

مجله علمی و ادبی

مطبعه و محل اداره :

جهال اوغوشنده امنیت
مندیوخی سوارنده
شنگول بقوشنده
۲۲ نوسرو

مسلك. زهه و افق آثار
جدیده مع الممتونیه
قبول اولنور

درج ایدله بین آثار اعاده اولناز

۱۳۲۶

دیر ، فلسفه ، علوم ، حقوق ، ادبیات تاریخ ، و سیاسیامده و بالخاصه احوال دشتوره اسره بدیده بحث ایدر دهفته ده بر نشر اولنور.

آبونه بدلی

صاحب و مؤسسی :

ابوالعلا زین العابدین - ح . اشرف ادیب
تاریخ تأسیسی

درسمادنده نسخهمی ۵۰ یاره در

قبیله دن مقوا بورو ایله کوندر لایسه سنوی
۲۰ عروش فضله آلدی

۱۰ توموز ۳۲۴

| سوله کی | التی آیلانی | غروش |
|--------------------|-------------|------|
| مالک عثمانیه ایچون | ۶۵ | ۳۵ |
| روسیه | ۶۰۰ | ۳۰۰ |
| سائر مالک اجنبیه | ۱۷ | ۹ |

عدد : ۱۷۶

۲۸ محرم الشریفه ۱۳۳۰ پنجشنبه ۵ کانون ثانی ۱۳۲۷

بدنجی جلد

شئون

ازمیر مؤتمر علمیسی

ازمیر غزته لری یازیور: کچن جمعه کونی صلاة جمعه دنصکره
 ثلجی اوغلی مدرسه سنده انعقاد ایدن مؤتمر علمی ازمیر و ملحقان دن بر
 چوق علما و سامعیندن بر جم غفیر حاضر اولدقلری حلاله فضیلتلو حاکم
 افندیك ریاستی و قوماندان اسماعیل فاضل پاشا حضرتلرینك نظارتی
 تحتند مذاکرانه باشلامشدر. ثلجی زاده جامع شریفی خطیبی حافظ
 توفیق افندی تبرکاً سورۀ فتح تلاوت ایتسی متعاقب جزایر علماسندن
 کیلانی افندی طرفندن بر دعای بلیغ قرائت ایدلمش و میلاس مفتیسی
 حافظ محمد صادق افندی بر نطق افتتاحی ایراد ایدرک مدارس علمیه
 و تکایانك زمان اوائلده حقایق اسلامیه نك انکشافیچون برر مهید کمال
 اولدقلرینی فضائل اخلاقیه ایله اتصاف و رزائل اخلاقیه دن اجتنابی امر
 ایدن شریعت غرای محمدیه نك مدارس عالیهدن نشأت ایدن بیکلرجه علماء
 فاضله نك جهد و همتلریله آز زمان طرفنده اقضای شرق و غربه قدر
 انتشار ایتدیکنی و بومقصد فوق العاده مظهر اولان علماء صرف حکام
 جلیله اسلامیه نك حقیقه اجرا و اوامر دینییه اتباع سایه سنده مدنیت
 اسلامیه نك زیاده ترقی و تعالی ایتدیکنی و شو قدرکه زمانزده کوربلان
 آثار تدنی مدارس و تکایامزك اصلاحات و بو کونکی عصر مدنیته موافق
 بر طرزده تنسیقه محتاج بوندیغنی و احتیاج اعتدال دن مرشدلر ، واعظلر
 یتشدریمک ایچون مدارسده تدریس اولنه جق علوم و فنونك قواعد
 و مسائلی جامع برر کتابك تالیفی لازم اولدیغنی و بو خصوصه مدارسك
 اصلاحی ایچون تقسیم اعمال قاعده سنده تطبیقا منتظم بر پروگرام دائره سنده
 چالیشمقه برابر اشبو مؤتمرک مقصدی صرف علمی اولدیغنی ، کندیسنه
 مخصوص بر اسلوب نزیه ایله بیان و افاده ایش و بعده هیئت اداره رای
 مخفی ایله انتخاب اولمشدر .

اکثریتله انتخاب اولنانلر حافظ علی ، میلاس مفتیسی حافظ محمد
 صادق ، ثلجی زاده مدرسسی شیخ نوری ، مصر درکاهی شیخی پدری ،
 جزایر علماسندن کیلانی ، مرعشی کامل ، قرق اناج علماسندن اسماعیل
 حتی ، بوز طغان مفتیسی حافظ امین ، علمادن یوسف رضا ، چوراق
 قیومدرسه سی مدرسسی حاجی ادهم ، صرعه مفتیسی عثمان ذکی افندیلردر ،
 وظیفه کتابتی سزائی بک درعهده ایشدر .

مؤتمر علمیده والی ناظم پاشا نایر اول ، قوماندان اسماعیل فاضل
 پاشا ناظر ثانی ، رئیس اول حاکم افندی ، رئیس ثانی مفتی انتخاب
 اولمشلردر .

متعاقباً اسماعیل فاضل پاشا حضرتلری طرفندن واقفانه ، عالمانه
 بر نطق بلیغ ایراد اولمشدر . مؤخرأً بالیکسری علماسندن محمد عاصم افندی
 طرفندن کوندربلان مطالعه نامه قرائت ایدلمش ایسه ده ناکره سی وقت
 آخره ترک ایدلمشدر . پیدرپی مؤتمر علمی به وار اوله جق مطالعه نامه لر
 هیئت عمومده قرائت ایدیله جک و نوط طویله جقدر .

شیخ سنوسی حضرتلری

جهاد مقدس اعلانی

عثمانی آژانسنه طرابلس غرب بخاری طرفندن آئیده کی تلغراف
 کشیده ایدلمشدر :

اسکندریه ، ۱۴ کانون ثانی — شیخ سنوسی احمد الشریف حضرتلری
 بوتون آفریقا مسلمانلرینه خطاباً نشر ایلدکلری بر بیاننامه ده عالم اسلام
 آراسنده کی روابط اخوت و اتحادی نظر دقته آلاق بوتون مسلمانلرک
 خلافت معظمه اسلامیه نك دشمنلرینه قارشى جهاد مقدسه حاضر بولولماریخی
 امر بوورمشلردر . شیخ حضرتلری بوتون طوائف و شیوخنی جهاده
 اشترکه دعوت ایتکده در .

بو بیاننامه آفریقا مسلمانلری آراسنده بویوک بر تأثیر اجرا ایتمش
 و هرکس کمال شدتله حربه حاضر لانیله باشلامشدر .

عبدالرشید ابراهیم افندی

سنوسی شیخی احمد الشریف حضرتلریله ملاقات ایتک و محاربه حاضره
 حقنده ترتیبات لازمه ده بولنق اوزره آفریقایه عزیمت ایدن سیاح شهر
 عبدالرشید ابراهیم افندی حضرتلرندن کامل پاشا ایله ملاقاتی محتوی مصر دن
 کوندربلان مکتوب دن صوکره هیچ بر خبر و معلومات آله ناممسی حسیده
 بر چوق قارنلر من صبر سز لانیورلر .

فی الحقیقه زده مراق ایتمشک . فقط بر هفته مقدم (جنوب) دن آلدیغمز
 خصوصی بر مکتوبده سخته اولدیغندن و ایشارک پک یولنده کتدیکنندن
 بختله یوللرک مشقتی و فوق العاده مهم مسئله لرله اشتغالی حسیده مکتوب
 کوندره مدیکی جهتله بیان معذرت ایدیور و یقینه اوزون مکتوبلر
 کوندرجکنی وعد ایدیور .

عثمانی آژانسک بالاده مدرج تلغراف ایله بیلدیردیکی جهاد مقدس اعلاننده
 عبدالرشید افندی حضرتلرینك ده بر حصه غیرت و ترغیبی اولسه کر کدر .
 چونکه حضرتک غایه املی سنوسی شیخی حضرتلریله ملاقات ایدرک بیوک
 تشبیلر ده بولنق ایدی . وداع ایدرکن « منزل مقصوده مواصلتمدن بر هفته ،
 اون کون صوکره آفریقادن مهم خبرلر آلیرسکز » دیمشدی . روسیه
 مسلمانلرینك انبأهنده پک بیوک روللر اجرا سنده موفق اولان ، بر نطق ایله بخارا
 خالقنی بر کیجه ده حرکت کتیرن ، ژاپونیا ده اسلامیتی تأسیس ایدن ،
 چین ، هندستان و بتون شرقده پک بیوک حرمت و شهرته مظهر اولان
 حضرتک شیخ سنوسی حضرتلریله ملاقاتندن پک مهم موفقیتلره انتظاره
 ایده بیلیرز . جناب حق بتون مجاهدین اسلامیه نك معینی اولسون .
 تفصیلاتی حاوی مکتوب آلدیغمز کی درج ایده جکمز طبیی در .

اعتذار . — (سلیمانیه کرسینسده) عنوانی شرک مابعدی کله جک
 نسخه به درج ایدیله جکدر .

[توسیع طباعت] قوللکتیف شرکئی
 محمد حلی و شرکائی
 مدیر مسئول : اشرف ادیب